

由

拳

集

由拳集叙

華亭徐益孫孟孺甫著

夫世之續述理道紓彈性靈翊贊人  
區比烈勛帛者其惟文章之為用乎  
古稱多才今不乏士鴻筆之彥龍躍  
鳳鳴弘正颺其清暉嘉隆弼其大雅  
吐納玄黃杼袖造化正始漸還至物

復耀粵稽文獻蔚乎可徵惜有器存  
人亡典型彌遠惻然永懷嗟何及矣  
益孫綰髮授學粗誦先王睠言慙人  
夙夜仰止亦猶魯叟隆思于姬公詩  
人篤望于召伯情有縻好氣有相感  
不能遏也東海屠長卿懷黼黻之性  
負珪璋之姿標作者之壇擅人倫之

雋始蜚英于海曲嗣振響于天衢耳  
剽老成沐浴盛德輒欲操筆問道樞  
衣請業相與窺蛟門之竒窟濯滄海  
之長流望四明以尚羊登金嶺以至  
止庶幾縱我大觀飫彼高論而母氏  
劬勞疋然寢疾柰何捧果然之腹恣  
四方之志哉會先生來官吳會聲响

既接臭味迺同遂以康瓠之材得被  
過誤之愛握手剖腸互述雅素綢繆  
道故有加平生或講德彌日樽罍為  
虛或宴語夜央宵燭猶短或振衣長  
吟四荒響答或含毫抽藻萬境俱奔  
或裴回中塾睇禾黍于大田或躋陟  
西山吊機雲于舊趾可謂氣干青雲

誼亘白虹情叶椒蘭道符金石者矣  
先生生有薰材弱齡操翰研精雅道  
企思靈樞欲以探四游之鴻濛綜萬  
品之茫昧鑽五緯之玄微獵二酉之  
巨麗創一家之名言旌千古之程軌  
故其酣蔡經笥沉冥圖府夢寐翱翔  
靡有局止詞賦則該廣而魁奇詩歌

則濃郁而沉至樂府則蒙古而深淳  
傳記則穎出而周委銘誅則凄楚而  
含情述叙則駿爽而秀嫩翰牘則嫺  
雅而多風論說則博碩而揚厲譬若  
班倂之運斤后夔之攷樂靡不中于  
甘苦協于宮商者與先生之言曰近  
世之士蟬蛻諸生而影响古人務為

壯語以自標表達哉斯言寔獲我心  
大氏列錦繡續者辭綺必靡矯舌抗  
喉者調激必詭捫句束字者氣溺必  
沉刻肺鑄肝者意幽必璫徒摹擬之  
為工忘優笑之至恥雖令執木鐸以  
自鳴人猶將弁而勿省也唯先生以  
古鑄今以已鑄古識足以緯其詞才



足以彪其旨象之所會境之所迎機  
駢弩流雲興泉逝雖枚叔之敏思孔  
璋之駿發子建之茂材正平之迅捷  
方之茂如矣甬東之勝秀甲越絕北  
瞰長湖南濱鉅江霸王之氣大國之  
風也賀監而後騷雅寂寥千載猶瘖  
大運邁興群公鵲起先生繼之益鬯

厥靈遂令潤色前猷功侔朔始聲啞  
鍾簴氣奪海濤豈不偉哉論先生者  
謂宜羽翼清華出入楯陛補袞闕之  
遺忘定俎豆之厖綴而高材乏于貴  
仕至德困于百里曾不得飽侏儒之  
一粟奏卜祝之末伎頻仰古今良可  
愴歎嗟乎道詘若信事晦若章幽靈

之物亡施不神卓爾之器亡徃不通  
先生爰自下車响拊百姓治敦精誠  
同希官譽用能仁普騶虞化洽馴雉  
邑頌塗歌謹于時雨且以退食之暇  
揚扨先民優游竹素徵其意閤爾清  
真采其辭爛焉華瞻養德則神存冥  
寂譚執則氣類飛揚興到情來匪由

雕飾境多體物法每師心單言子語  
物擬南金尺璣短箋並屬大珪所欲  
匍匐千里延思十年者得以諧所舊  
聞副所信慕奚羨往初何知來喆展  
矣有生之至快恒物之獨遇也夫簿  
書案立高于丘山胥隸廡伺溷于鬼  
魅當之者亡不神搖觀之者亡不氣

瑟而先生鳴琴為政既稱委蛇矢筆  
吐辭復妙天解雖其恢刃有餘抑天  
助之不朽者乎嗟乎方諸應月麒麟  
應日物有必至機有必合當其殊調  
同堂胡越及其合意千里比肩賤子  
希懷王之箴世人襲按劍之迹失路  
以來仰屋唏噓詎意先生歆其濶毛

采其管蒯縣南州之故榻追鄴下之  
舊塵損以珠璣之評被以丹青之鑒  
眇昧生光獎飾增價謬屬定文猥令  
翔序夫談天喻日語屬蒼茫醢鳳脯  
麇事非實際鬱葱煙煴寶氣目眩存  
亡滅沒天機易爽識慙子野安辨濮  
水之神聲出郢巴董同六馬之智敬

撰里言用申請洙匪云托聲于鶴和  
愛亦附翼于蠅飛云爾

由拳集叙

屠長卿蓋從潁上徙青浦矣今潁時  
諸所著文章詩賦潁諸生乃請付剞  
劂而非長卿意也海內諸人士讀而  
豔焉輒從長卿乞集而長卿雅不欲  
傳然終不能拒間亦一二屬工墨之  
楮輒風雷於是長卿益自秘以故傳



者重重而及今今青浦所著文章詩賦益鴻鉅益不能自秘而馮太史開之謂前刻稍類乃取而與沈太史君典刪定之增新者十之六更名曰由拳集蓋由拳故青浦地人傳泖水澄隱隱下見城郭狀以故是集得專名焉而開之更取付剞劂屬予敘謂曰

長卿嚴事先生先生知長卿盡合有  
言予於是序曰即無論長卿才即長  
卿治狀卓越它日史氏纂國紀文苑  
循吏當兩傳之而世又謂文人無行  
乃長卿碩碩德操嚴卓行高誼出等  
夷燁然不污於時倘所謂完士者非  
耶長卿文逖則古昔先王之訓自六

經周秦楚騷兩貞六朝已還無不摠  
覽而以時出之不拘拘守一物而詩  
則三百篇漢魏及諸樂府饒歌以至  
大曆已還亦無不摠覽而以肯出之  
不拘拘守一物以故宏肆鉅麗高華  
秀美燦然動人心目而溢出無長語  
儉用無窘幅寸與情副華實並茂神

變惚恍而陰陽錯化故本非舊訓出其口便足千古固雖緒論入其筆輒爾神奇譬之用兵如韓淮陰多多益善雖驅市人以戰自成奪趙滅齊之功而又如李將軍不治軍籍不擊刀斗自衛不忤部曲行伍人自不能以程不識謹文法議其後倘所謂國士

而才氣無雙非耶然此亦重重長卿  
年未四十方在卑位尚自冠絕如此  
而更今後日又何如哉又長卿毫不  
待吮而出語妙天下旣負枚筭之捷  
兼收相如之雅人復以馬長卿擬之  
疇不謂當然哉而予獨曰兩長卿不  
得同日語何居蓋馬卿文無行於是

兩太史輟然笑曰先生知言哉先生  
知言哉合書是為由拳集叙

明萬曆八年歲庚辰五月朔句東沈

明臣嘉則父撰

由拳集卷之一目錄

賦

溟海波恬賦

霞爽閣賦

閔貞賦

五色雲賦

歡賦

由拳集卷之一

東海屠隆長卿 著

賦

溟海渡恬賦

西嶽山人遊於東海遭東海生於海濱西嶽山人  
揖東海生而進曰僕西嶽山人也世居西嶽華山  
下今者汗漫遊於東海敢問東海之豚奚若東海  
生曰夫東海天下巨麗之觀也今者子從華山西  
來大海之豚吾且與子共覽焉又焉事僕空侈談



其盛哉乃相與登海門縱目觀之偉哉大浸恢詭  
特異氣蒸宇宙流濕雲翳簸弄寥廓萬形失厯合  
渾沌并元氣蕩八荒吞四裔潏潏浩淼忽不知  
其窮際爾乃踟躕旁皇於其上海風蓬蓬而蕭颼  
高天下焉大地歆浮長波捲雪蹴沫崩丘肆遐矚  
於空曠顛倒恍惚窅然喪其赤縣神州雄恠駭爾  
心目神光散而不收西嶽山人曰有是哉東海之  
勝一至此壯也東海生曰今者子徒得其大觀尚  
未領其奧區也僕攷之載藉東有大壑名曰歸虛

受八紘九野之水納天漢之源而廓乎有容濶乎  
無餘南通滇池東至瑯邪壯旦玄朔西涉流沙掩  
三湘吞七澤杯盂九河潢潦四瀆大海之外又復  
胥海禹迹之所不能到圖經之所不能載日月躔  
九於其中浮大地之幾何曾不盈其一塊又有扶  
桑千仞上凌太空杳杳豁呀靈根莫窮巨鰲載乎  
五山峙萬古之神功橫波乘漲不與世通唯飛僊  
而能至寔乃大帝之所宮蓬萊崑崙而軒露方壺  
天矯而騫驤大鳥集於壙壤之野羣仙會於虛無

之塲遊鴻濛邀雲將樂苑風嬉東皇盧敖偕若子  
而夷猶安期邀羨門而翱翔淳圉拉陵陽而容與  
浮丘接王喬而尚羊仰貫列缺之倒影上千北斗  
之瑤光吾將劃然長咲矯焉輕舉駕赤鵭躡綵虹  
蛻塵跡訪僊蹤以凌乎海上之諸峯子其能我從  
乎西嶽山人曰唯唯是或難哉子將凌虛徑度僕  
恐身不能生毛羽若乘舟以往即望見仙山輒脅  
天風吹之而太柰何子無誕矣僕聞之聖人出世  
海不揚波有諸東海生曰然即越裳氏所稱今昔

之謂也今 天子神聖首治改元恢唐虞之至德  
流大海之波瀾化及昆蟲恩被八埏而西蜀劉公  
又適膺 天子簡命以節鉞來鎮東偏於鏐劉公  
一代偉人坐鎮方面雄視海門千艘霧列萬竈雲  
屯威令霜肅德煦春溫大海以東兀然重關巨鎮  
不啻一虎踞而龍蹲也方今 上之未御寰宇而  
劉公之未秉節鉞於東土也當其時島夷跣梁弄  
兵海上鯨鯢吹腥蛟鱷鼓浪洪波鼎沸飄忽震蕩  
掠豕編戶虔劉元元壯者俘馘老弱見殘積骸如

正流血成川羽書交馳偵騎絡繹將士枕戈天  
子旰食固嘗徵發荆楚之劍士召募三河之巨猾  
廣收秦隴之勇悍結納燕趙之豪傑莫不臨陳怖  
栗不戰自摧虜人屠之如芟艸萊賊用猖獗疾於  
風雷淝河以東江淮以南賊衆橫行蹂為戎馬之  
墟城邑蕭條人民逃遁天子震怒大吏伏誅秉  
鉞相繼董而翦鋤今者劉公之來軍聲大揚不怒  
而威不戰而強窮寇褫魄遠竄遐怠公志弗懈怠  
嚴邊防爾乃伐鼓撞鐘建羽揚旂叱咤則噴薄山

岳指顧則旋轉滄溟截水怪駘蜃精奔巨鯨走長  
鯨伏罔象之裊姦禡支祁之狎德陽侯頓戟其惡  
風靈胥不鼓其狂波槩高伏日月之光景海童吸  
陰陽之靈和奇相助順於沙汭岷精呈曜於巖阿  
騁馬遯迹於重泉水兕潛形於盤渦龍鯉一角而  
馴擾天吳九首而婆娑沈遊裊蜺屏息靈鼉文魃  
精麗其鎔綺玄螭光生乎織羅樓臺結乎蜃氣光  
芒簇於若華百靈栖息萬怪不譁瑞藹葱蒨珍奇  
孕出玳瑁璀璨絢霞映日水晶獻於馮夷之宮冰

綃貢於鮫人之室明珠來於驪龍之淵大貝出於  
龜鼉之窟璚玉見於折木之津玫瑰效於金樞之  
穴鳴后叩而有聲浮磬塵而不汨又有文鷁窈窕  
奇鷁連娟白鵠琅玕玄鶴翩跹爰居之栖島嶼屬  
玉之下藍田大鵬之翮垂雲鷄鷄之光竟天是皆  
珍怪瓌瑰權奇鬼化詫希世之瑞而壯靈海之觀  
又如颶風不佐海若大喜平波展鏡深不見底天  
朗氣清廓落萬里曜靈出於暘谷朝暾舛乎扶桑  
乘躋鬱而縹緲沆瀣浮而蒼茫六合清塵王風四

張百粵底定物無災傷配美周京海波不揚若乃  
島夷卉服窮髮焦陬新羅高麗朝鮮琉球烏衣黑  
齒穿心飛頭海外之國類千百許雕題文身獸形  
鳥語天界夷夏隔絕中土莫不梯山航海間關長  
征重譯款塞來朝聖明獻琛質子頓首闕庭妖氛  
滌蕩寰宇澄清海無驚波東方以寧於是玉帳畫  
閑高牙夜寂鳴笳不動刀斗不擊元戎坐笑圍棋  
對客椎牛饗士超距投石戰卒解甲健兒橐弓水  
犀三千貔貅萬營舳艫巨艦舳艫艨艟錦帆綵幔



青雀黃龍莫不維纜海濱橫槩相連高歌鼓吹擊  
榜叩舷三軍驩譁喧旭徹天或觀濤於浦口或弄  
潮於急湍或試舫錢唐之強弩或戲擲駘石之長  
鞭漁者垂簷何之綸投任公之釣搜濊徧之派窮  
幽眇之島絕江豚羅海狶取鮠鱮索王鱣帆檣相  
戛和歌擊鮮而或引吞舟之巨鱗連橫海之頽尾  
鬣鬣插雲顱骨積壘沆膏吐涎腥聞千里獵者張  
機設經列滿坑谷弋舫海獸奔駭馳逐獲狡兔縛  
鉅鹿轉玄猿蹙猱攫納骨專車割鮮殷馔至若海

上編氓居鄰斥鹵煮海為鹽沃饒萬戶經營太公  
料理仲父筴藉勾稽大國以富或採海錯往來隨  
潮水母目蝦屋瓦江珧石華海月螺蚌鰓鮓金齏  
玉膾人競肥膏又若海舶大賈易貨島外挂席海  
水憑陵澎湃出沒魚龍經涉神怪關吏不詰津率  
自在齊民之環海而居者樂化日之普照沐聖澤  
之無涯魚鹽襍遯煙火萬家秋熟粳稻春榮桑麻  
黃稚鼓腹而嘻遊俠少蹴躅而紛拏吳歊越唱激  
楚渝巴搥鼓吹笙管絃嘔啞歌士遊女聯袂滿車

遺簪墮珥履舄交加矜珠玉之滿盛闢羅綺之繁  
華斯皆 聖天子之宣鉅允敷偉功運真宰參玄  
穹仁覆京邑旁流四封而宴劉公之胥大造於東  
也是以 朝廷釋東顧之憂大臣不復建靖海之  
策 天子舉萬壽之觴於上詞臣撰太平之頌於  
側高居穆清海天寧謐又奚必如漢武泛蓬萊之  
樓船秦皇侈會稽之勒石皇圖永固其梟無極僕  
將與子偃臥海濱覽其巨麗收其閔放以天子之  
胥臆於是西嶽山人瞿然而驚爽然而喜起譟曰

僕居華下日嘗登峴巖履崔巍以爲天下之大觀  
自華止矣今者觀於海復聽子談東海之勝廼今  
勝自失耶莊生河伯海若之喻詎不信哉

霞奕閣賦

有序

族孫峻以司寇卽陳情歸脫徙軒冕放意丘壑  
博雅好古與世冥諧寄莊生之傲逸於空虛守  
楊氏之玄遊乎寂莫操大人鴻鉅之業恢曠士  
寥廓之觀騁茲龍駟永謝天弢矯彼冥鴻何施  
增繳益誠翩翩近世之佳公子也構樓江滸制

極宏敞余與諸君登而樂之憑高覽下萬念為  
空裂眚蕩胷六合都喪余也長嘯希元龍之豪  
雄篇媿仲宣之藻掇管抽思為霞爽閣賦其辭  
曰

有玄覽生真心六合抗志九垓陸沉於俗遊息無  
闕宅太清之爽塏謝市塵之喧阓及春禿之駘蕩  
撫高閣而崔巍崔嵬乎高哉其為閣也割鴻濛以  
作界攬虛無以崇庸莫東極以規制順青陽而經  
營駢句芒而啓道諏時令於木公清氛埃於箕畢

鼓元氣於豐隆綵雲充棟蝨竦浮牕丹霞卷幔白  
玉聯牀覆以雕甍綴以碧璫重檐兀乎孤鶩長廊  
翼而高張颯沓逶迤輾輻茫洋上拔層城下交長  
江後枕巨海前覽大荒金戟東指秦望西降近倚  
四明之巔絕遠拱天台之石梁儼山川其暎帶與  
寥廓而尚羊聊登高而送目極平楚之蒼蒼思策  
足而凌倒影亦飛心而挂扶桑飄若登霞眴若捫  
日髣髴步閟后之宮憇閭風之室目搖搖而不寧  
耳惝恍而靡一園林窈窕間以陂池秀木扶疎嘉

卉葳蕤欄榭檉榕梗枏檜松沙棠木蘭青楓白桐  
離奇輪囷鬱鬱葱蔥幽蘭素馨紫葍芳蓀辛夷踣  
躅木槿葵護雲霞絢爛紅白續紛綠井幹而騁豔  
當玉祀而楊芬頤睨洲渚綠波微鋪下乘雁飛雙  
鳬采蘋藻盪菰蒲賦蘭茝咏麋蕪旁日月而飲沆  
瀣招安期而望蓬壺納灝氣於虛牖象仙人之所  
都朝暾夕霏變幻於側春燕窺簾秋螢度席賞覽  
物而歎逝亦忼慨而沉惻爾其疾風崩雲海水若  
驚白波相摧山嶽鼓舞乘蹻翕張煙沙莽互氤氳

靈靈揮霍吞吐辟磅訇磕豁呀吼怒大散振谷餘  
響排戶憑虛一覽黯不可睹激悲壯之長言收跌  
宕於靈府至若萬里無翳天高氣朗明月照而雕  
闌空天河低而朱扉敞江青海碧颯然蕭爽若標  
霞光而孤暎遡元化而猷往爾其中也搜二酉之  
秘簡藏五岳之真圖儲泰山之玉牒畜禹都之金  
書族鴻寶之奇叢集虎觀之鉅儒春容璀璨間雅  
且都策此天駟駕彼龍輿闔乎上乘躡乎靈虛張  
皇要眇之論博究宏達之旨高參垓圯下淪渣滓



顯揭二曜幽入蒙汜俯括後代仰超無始漂唐流  
虞蕩殷滌姒正言森列卮言淋漓大言極乎圖南  
小言託乎鸞斯掩中壘之博綜窮執戟之玄思然  
青藜而照夜吐白鳳而離披至若蕙肴既蒸桂酒  
既清聖羣公於暇日接高燕以娛情進犧尊陳霓  
觥彈雲璈吹玉笙倒屣王粲虛左侯嬴折節田光  
厚禮荆卿山林羽像之士廟堂瑚璉之器談天炙  
轂之辯弄丸擊劍之技子雲筆札君卿喉舌五都  
豪舉三輔奇傑莫不奉其清塵聆其聲歎或含毫

授簡篇章灑灑長嘯發而天籟應秀句澍而波臣  
駭至若嘉賓出門焚香燕坐玩心蒙李潛神楚此  
隱几頽然青山忽墮付高情於天雲遺形骸於彼  
黍齊萬乘於正民又安知高臺之與蓬顆章華既  
墟銅雀為丘黃煙起荆門西陵生松楸漢水無恙  
漳河自淶矯譎響絕妖姬不收繁華綺厖委彼道  
周余欽伊人之玄邈永標勝於茲樓乳曰登傑閣  
兮臨鴻濛采三秀兮於山中春秋代謝兮如飄風  
春艸綠兮秋荅紅萬物總盡兮歸化工丘壠荒兮

揚枯蓬何不鍊液兮還其童一室臥遊兮當何窮  
駕青霓兮驂兩龍御六氣兮徧八紘朝崑崙兮莫  
空同懷公子兮心忡忡願從之兮掛玄穹

閔貞賦

齊序

翟節婦之死余既為之贊乃心高節婦不已既  
讀楊司空閔貞賦感焉可謂異世同慨遂有此  
作顧富材勁力既乏漢轂亮節繁音復慙六代  
聊以寫余心之忡忡矣

煌煌燕京端居至尊倚拔堪輿包絡川原居庸庑

視太行龍奔金臺崔嵬高枕帝閭玉河湯湯派於  
薊門王氣盤礴秀結雄屯覽方輿之勝槩吊往古  
之遺蹤昭王族憤昌國景從太子召乎馬角荆卿  
感乎白虹田光忼慨而折首漸離擊筑而悲恫精  
光變天歟訶生風燕丘其而俠骨銷易水寒而壯  
士去靈氣不收山川奔互蜿蜒鬱糾是生貞嬭維  
此貞婦婉孌靜柔叶鳳占於太卜迎雁幣於寒脩  
奉君子之清塵懼下女之是羞薦蘋宗廟采綠道  
周調瑤瑟之和聲結錦褱之綢繆指白日以蒞盟

誓黃河之長流娛清風於曲房眺明月於高樓銀  
缸照夜紈扇度秋期千齡而萬歲不挂人間之離  
憂何夫君之不延儵淹化而訣絕恒嶽峰摧遼海  
波竭榮華霜殞光景電滅朱絃慘其無轂玉簫短  
而吹折爾其為景也高天沕寥平野蕭條朔雲下  
垂層冰折膠大陸不流薊馬失驕河盡柳柳原枯  
蘭若日落沙昏煙起風嚟鬼火微陰房青華燭滅  
玄堂宿冷月鑑乎總帷飄風動乎銘旌佳人慘怛  
黯乎傷情爾其為容也啾啾喑喑漆漆沉沉霜棲

素面淚落空襟朱粉不御羅襦塵侵脫去玉珥棄  
擲華簪神亡形稿若聾若瘖瞑息塊苦之上枯坐  
靈輻之下鬼伯相呼司命不假悵夫君之來白  
日匿而長夜屏寢食以徬徨願靈脩之速化從夫  
君於夜臺永與世而相謝永思古人忱鬱怛怛晞  
心令女矢志陶嬰凝妻斷臂梁寘殘形遊目蒼梧  
之野想鼓瑟之湘靈殷啼痕於脩竹銷綠黛於黃  
陵爾乃絕粒而逃枵腹而稿影闕寒垌墳荒古道  
孤月照而添黃空雙燕飛而重門悄綉被委於香

塵玉骨化為瑤艸悼夫婦之精寃託芑蘿而憑幽  
鳥效伉儷於黃壚後天地而不老

五色雲賦

五月既望遵湖而西驅車高原飲馬空陂娟娟者  
湖秀絕而孤綿亘十里暎帶城隅沙長水明沉鷗  
浩鳬青蒲照人綠波平鋪乃稅駕於湖濱吊管賢  
之遺跡余欽斯人兮高曠俯大湖而歎息嘆息自  
天俛仰今古何彼卿雲爛焉以亘迴合朗暎皦日  
微吐菽天者半厥色維五厥狀瑰麗玄黃雜組或

如玄圭或如白珂或如靈芝或如玉禾或如絳綃  
或如紫紵或如文杏之葉或如含蕊之顆或如饒  
原之草或如春湘之波澹脩眉之連卷呈冶態而  
婀娜又如萬荂競開百鳥齊飛竒姿窈窕秀色離  
披威鳳之彩葳蕤錦鷄之翼差池屑屑霏霏纓纓  
褰褰紛乎若纈蠹乎若髭又如僊人製錦借色雲  
君濯彼天河五彩成文丹霞失麗明星載昏長天  
紺碧遙光深靚羣山並朗回浦獨暝芙蓉相鮮下  
燦紫葍大物矜炫變幻靡窮至散至合若淡若濃



廊兮若啟宵兮若幪嗟此璀璨雕彼太素神乎巧  
哉天孫所如何文章之綺靡恐上帝之是怒疇驅  
真宰泄祕抽玄東壁獻圖丹甲命篇挾河漢以帝  
彩走五星於毫端振藻耀日鴻思寫天等妖虹而  
直上捫列缺而倒懸洵天章之巨麗何人工之能  
為相如么麼子雲無奇錦心莫吐彩筆藏輝雕龍  
刻鳳之技黼黻藻火之形莫不銷其文采遁其精  
靈金闕洞開高敞玉樓丹青錯落棟宇雕鏤閣道  
玲瓏列僊出遊引以琬輿夾以華輶霞裾成削環

珮相糾紛朱幢與紫蓋嵌七寶而雜琳球朗焉翕  
輶六合晶熒繪山川絢日星掩關門之熱氣奪霞  
標於杰城育爛其光燁燁其英王母之所不能謠  
羣臣之所不能賡是誠乾坤之上瑞兆 國家之  
文明嘉焉裊爽悅矣骨驚余安得躡層雲而上馳  
下覩大地之與蓬瀛聊申意於斯文悵獨立而屏  
營

歡賦

有序

余處冗賤百憂煎人側身天地長苦跼踖思欲

揮悶散心寄興楮墨我思古人動多憂愁昔士  
衡歎逝文通賦恨驚心動魄一字一歎每一披  
覽秋氣颯颯風雨欲來使人惻愴幾不知有生  
人之樂矣友人馮夢禎謂僕曰子何不為歡賦  
悅心暢意破彼我之煩懣宣萬物之鬱塞則此  
道貴矣夫愁苦之語易好歡娛之言難工然烏  
可以其難而會毫沮喪也於是為賦焉文通諸  
君子見當掩口

晨登山阿下覽八紘天地開朗風日熹明遊人出

嬉川塗載平於是僕本曠士解顏暘鬱百慮盡捐  
萬愁若失我思古人歡情靡一娟娟皇娥夜處璇  
閨薄焉遵渚帝子是依精靈感化中心不遠清歌  
相答滄漾忘歸軒轅守和冥心合道夢遊華胥萬  
國熙皞終登空同後天地老子晉僊才神骨蕭爽  
丹經既成捫霞直上群靈夷猶九州冀壤薄富貴  
而不懷希世外之幽賞英英穆滿志俠乾坤萬里  
煙鷺八駿雷奔謁西王母登彼崑崙奏白雲之長  
謠俯弱水而歷天門秦家公主氣凌紫氛一當蕭

史○遂○散○人○群○攬○虹○霓○而○位○佩○製○丹○霞○以○為○裾○睇○樓  
上○之○明○月○躡○天○邊○之○彩○雲○長○辭○綺○閣○永○隨○夫○君○千  
秋○萬○歲○此○樂○何○云○越○王○破○吳○奏○凱○言○歸○載○螭○眉○於  
金○車○挂○將○士○以○錦○衣○樓○船○壓○江○濤○朱○旗○晃○日○輝○綬  
騎○填○乎○廣○陌○羅○綺○盈○於○中○閨○堂○上○燭○滅○笙○歌○不○喧  
尊○壘○酒○清○房○櫳○月○昏○閨○者○出○客○主○人○留○髭○坐○細○毳  
以○中○夜○傾○一○石○而○何○言○至○若○漢○帝○英○雄○初○誅○項○王  
山○河○入○掌○弓○矢○斯○藏○過○豐○沛○兮○訪○故○偕○父○老○兮○尚  
羊○歌○大○風○而○忼○慨○覽○雲○氣○之○飛○揚○又○如○延○年○獻○歌

夫人初御驚玉骨之凝霜、豔輕綃之如霧、樓閣含  
風、階除墜露、洵明珠之照人、判傾城於一顧、衛霍  
出塞、士馬精彊、匈奴滅、漢道昌、黃金朱第、列侯煌  
煌、鈿釵佐隊、歌舞成行、相如弄琴、文君私喜、臨邛  
徂亡、成都歸市、姿態豔目、美容心死、紅蘭茁芳、砌  
青苔生、玉尸雖貧賤、其何傷、願百齡以為矢、若夫  
太液波明、昭陽月滿、香蓮冒舟、涼風送管、黛色欲  
絕、歌聲乍緩、旣和媚而魂癡、亦宛麗而心斷、兔園  
既開、梁王意歡、碧瓦宵白、朱門夜寒、集詞客之鴻

藻駟凍雲於毫端、立德芟除四方蒿萊、雄圖既就、  
猛士歸來、引漳河以為池、鑄銅雀以為臺、清吹干  
雲、步輦轟雷、高歌烈士、泰山崔巍、陳王妙才、應劉  
卓犖、寶馬金羈、光輝歷落、出馳東郊、歸宴平樂、神  
飈蕩空、青山映閣、會稽諸賢、遠覽高步、山川崩峭、  
雲物莽互、喬松夾道、脩皇繞戶、一咏一觴、凌虛徑  
度、庾公風流、佐鎮武昌、挾賓佐娛景光、攬明月登  
胡牀、酣飲其無人代、長嘯而下天霜、又有征夫戍  
邊、思婦含悽、長想忽見、遠行乍歸、今夕何夕、月白

星輝高堂敬兮春溶溶朱簾捲兮秋漫漫新昏合  
兮出瓊珮佳期至兮藉芳蘭金爐兮乍煖紅燭兮  
未殘莫不款爾彌洽冥焉和愉寸腸不結雙眉長  
舒知離憂之為何物豈羨夫神僊之所居

由拳集卷之一終



由拳集卷之二目錄

詩古體

杲杲初陽

北風淒淒

懷哉維人

五月不雨

巍巍泰山

煌煌帝京

雖有斧柯

園有鳴鳩

鴻飛欲冥

出自都門

鴻鴈嗷嗷

朝登海門

采芝歌

吳門歌

短歌

桂華不實

述哀操

樊生歌

荆璞贊

翟節婦贊

十賢贊

老聃

莊周

延陵季子

魯仲連

范蠡

張良

東方朔

龐公

李泌

蘓軾

由拳集卷之二

東海屠隆長卿 著

詩古體

杲杲初陽

杲杲初陽升於高岡光輝照地萬物既昌幽谷深  
哉不可藏不可藏也初陽之光也

杲杲初陽升於崔嵬光輝照地萬物既甦天道高  
哉不可夷不可夷也初陽之輝也

杲杲初陽升於嶰嶰光輝照地萬物咸潔遠而望

之不可褻不可褻也初陽之烈也

初陽三章章八句

北風淒淒

北風淒淒吹彼中林豕酒既清鼓瑟彈琴

秋天蕭條北雁南征鴈鳩之鳴不如倉庚之無聲  
溱以閭揚膏以明戕燭火煌皇不如陰崖之無光  
北風三章章四句

懷哉維人

懷哉維人斯人之賢賢而去我其別以年眷焉望

之明星在天

懷哉維人斯人之秀秀而太永其別已久眷而望之明星在牖

懷哉維人斯人之親親而去我其別載春春焉望之明星在門

懷哉維人斯人之故故而去永再見霜露眷焉望之明星在戶

維人四章章六句

五月不雨

五月不雨天道其頗大夫不仁下民則罹余其枯  
哉無稿我田禾

余大夫不仁其無以永民胥龍初初飲於河潛玄  
雲自東靈雨浹旬饑彼南畝嬾子載欣匪大夫緊  
維我民

五月二章一章章六句二章章十句

巍巍泰山

巍巍泰山梁父安矣梁父安矣松柏盤矣  
廣岬高哉河水深矣河水深矣遊魚潛矣

堂堂國中大道周矣大道周矣疇不由矣

鴻鵠蚤栖恐罹於羅矣顧瞻四海永心何矣挾焚而歌既樂且和矣既臬且和矣不知其他矣

泰山四章三章章四句末章章八句

煌煌帝魚

皇皇帝帝翼翼翼翼方士脩其德載絜其裳釋菜學宮賓於天子賓於天子天子天子是使王事執掌女賢則勞朝黽於庭暮馳於郊

遵彼大河北望嵩嶽女維王人維營于洛

洛邑大國天子之藩衛命以往竣事乃還留滯周  
南洛水之陽自春徂夏以雨以霜爾馬玄黃爾車  
彭彭匪皆則久匪道里長男子之生經營四方

皇皇帝京三章一章章十二句二章章四句

三章章十四句

雖有斧柯

雖有斧柯不刈禾室雖有旨酒不宣戒懷如懷如  
何志在丘中環堵之宮以鼓以鍾江水清兮可以  
揚遂我心冲融



維瓶之罄維罍之恥維民之罪由余小子厥維艱  
哉若涉於汜慎爾胥位無後匪彛無典刑是聽我  
心調飢

斧柯二章一章章十一句二章章十句

園有鳴鳩

園有鳴鳩零露在桑春日鳴鏃呼我同行與子道  
遙載咏載觴

河廣以浩嗟嗟其魚胥駕有鳧有苻胥蒲灼灼荷  
華采歌采之風波是虞

我登高陵原野奏矣委甄秀矣藁木茂矣文雉鳴  
矣隴阪崎嶇我車後矣

鳴鳩三章一章章六句二章章七句

鴻飛歆冥

鴻飛歆冥挂雲羅神龍蜿蜒無大波深山夜行猛  
虎歆白日道上畏吏呵君子裴徊將奈何

鴻飛一章章五句

出自都門

出自都門駢馬秋原原楚曠我風日不溫臨風氣

結點矣何言一解何言嗟嗟涕落我襟河水初冰

嚴霜被林北鴈南翔遺此哀音二解哀音則那懷

永故人三解既遠悲思日新會晤何昔俟河之津

三解河津無梁會晤無期行歌自軍宛轉踟岐搖

搖秋蓬飄風何之四解

### 鴻鴈敷敷

鴻鴈敷敷遵彼故林之不何淺人情何凌一解世

路艱哉連峰崿哉永無怪卑行將柰何二解北風

吹林虎嘯猿啼濁河湯湯豈無清溪三解至人無

日涉集 卷六 三  
累達者何憂懷哉忠信金石以遊四解

朝登海門

朝登海門濤如連峰玄雲載馳青桂蔚藂一解  
日名風微海水說登手持釣竿暮宿海曲二解  
致歌煙空連山皚皚天風吹裳鴻雁下來三解

采芝歌

朝亦采芝莫亦采芝之生嫋嫋曰風吹之倚杖  
臨阿下照清池吹之木草不在松枝

吳門歌

我登吳門遙望綠波長洲逶迤墓田何多

短歌

喬才多陰曠之多懷憂來無端西風鳴哀一解無  
登高臺以望曠遠浮雲西馳白日何短二解晨登  
崑崙以臨具茨四海雖廣一容湏可二解太行可  
登海水難測短褐行歌聲士金石四解

桂華不實

桂華不實士采虛聲詭避法罔文以相徵張機載  
道玄豹于征雖有土圭不能測天人藏九疑孰知

其端大道不夷 業施孔艱行步維工言笑則難樂  
哉旨酒可以延年

述哀操有引

族孫紹仁自京師回先東昌道中其妻哭  
之哀余聞而悲之爲之述哀操

哀極兮無情啼極兮無聲吁羌胡爲兮萬里行驅  
輜之兮無京返素車兮西陵風以奔兮黃河水靈  
之來兮將焉馮

樹大生歌

嗟死不歸來兮樊生行道哀兮樊生嗟未可死兮  
樊生未可死兮樊生死胡為兮樊生爾才藻兮余  
季天兮余親老兮爾婦少兮吁嗟乎樊生

荆璣贊

王和石耶奚以明胡為乎荆胡為乎爭吁嗟乎  
生

翟節婦贊

有序

客有從京師來者為言翟尚書繼孫婦某氏生  
二十年其夫死婦哭之哀已不哭則絕粒坐夫

樞密婦父母及諸戚族咸至日夜勸婦食曰若夫無祿死已矣何為自苦若是爾即不守若志非夫子婦也即守若志為未亡人猶夫子婦也柰何死為即死若命會當有盡時見夫子地下未晚也人壽幾何生者惟死是思而子速之無乃非人情乎婦不應第瞑目坐竟日夜不就寢倦則稍坐欠伸狀已復端然不動家人取水漿強飲之齒噤不啟久之氣息漸奄奄以微積十  
二日竟餓而死京師士大夫及閭巷之民走視



如雲屠隆聞而悲之曰嗟乎烈哉翟家婦耶婦  
即矢志靡他可以無死勸者之言是也而婦竟  
死過矣雖然世之衰也男子之無剛腸久矣矧  
婦人哉矧婦人哉朝釋衰絰莫為容華醜面而  
事兩姓者何可膝道有如翟家婦竟死哉且不  
死水火不死刀鋸而死餘死善矣君子柰何求  
多於烈婦哉於是乃為之贊贊曰

謂天蓋蓋謂鬼神蓋荒烈婦之夫云胡以殤匪夫  
之殤厥為婦殃白日杲杲照彼繁霜人命不延胡

涕而滂飄風搖搖逝波湯湯鬼伯相呼夫子相將  
吁嗟茫茫九州豈不樂康他人則樂婦心之傷黃  
壚陰冥歸途何良歸來歸來與夫翱翔豈遠百年  
與天地長吁嗟匪歲則饑匪室無糧絕粒而死死  
胡不臧緬邈孤竹義士同行莖婦何所於彼首陽  
之旁

十賢贊

余讀史策服膺古人遐想其高風遠致忻然有  
當於心即不敢自附執鞭之義每覽玄超足銷

塵鄙乃為之贊

老聃

混元一氣夙秉靈樞吹萬布德真人是儲遇形為  
物乘化無隅鑑焉埋照遊世於虛玄德獨朗众器  
為麤宣示上善閔惻羣愚世無關尹孰探其珠

莊周

莊生狂言凶懷濇渤其神龍驟其形蠖屈沉幾白  
冥馳辯若脫浮雲富賢滓穢萬物天之放民四游  
超忽

延陵季子

延陵明德博識多聞達觀天壤特主塵氛精研同  
樂妙品人文義附子減信歸徐君長松偃壑永遺  
清芬

魯仲連

魯連叢叢肅矣育微抱德神滅吐論屑霏東定齊  
難西挫秦威功成掉臂千金土灰旁睨六合雲空  
曷羈道存丘壑名賢布衣百代遼絕斯人其歸

范蠡

並有英雄體道合權秉節內奏應機外員屈體泥  
塗終薄雲天摧吳霸越功伐乃宣朝登朝署夕攬  
湖煙盤虛消息大人既先神龍不熱德近冥玄

張良

賢哉子房雄姿眎箕包龍四海播弄寓縣履虎不  
啞從龍取便激昂風雲覆楚登漢三尺可提五等  
靡眷鍊身天衢人代是玩

東方朔

東方多端機穎絕倫天子俳優上帝弄臣濯衣紫

海食堯崑岑偶踏宮蓮金馬隱淪戲恐侏儒數折  
舍人公卿爾汝萬乘常嗔跡類抵牾心棲道真悠  
悠當世孰知其神

龐公

龐公清真栖於鹿門其寢不夢其跡不喧仰盼白  
雲頻覽青原剝心於寐智去神存亮々沒沒表也  
胡論侯王苟賢斯道彌尊

李泌

鄴侯異人名在紫府養德谷神成功元輔麻姑搔

背至尊枕股奇言匪誕逸氣橋舉五嶽之上終焉  
栩栩

蘓軾

吾慕長公粹質溫溫壯志何暇晚德若昏文驅鉅  
海道登天門苑生一了貴賤何言居貧乃肥處薄  
彌敢蟬蛭塵壒觀彼無垠